

Referat: L'Cunsëi de Cüra organisèia en mertesc, ai 27.03.2012 dales 20:00 tla Ciasa Runcher l'referat "Ci suzes à pa albü Gejù cun sü miracui?" cun la referènta Agnes Irsara.

Ciandëra da Pasca "Cero Pasquale": Inçe chest ann é i scolars dla 3.mesana invià a infurni la "Ciandëra da Pasca 2012". Ai se abina en vëndres, ai 30.03.2012 dales 15:00 tla Ciasa Runcher.

Informaziun: L'Crist sön tru dles Staziuns a Oies é gnü tut demez deache al è tröp pomez ala XI. Staziun.



Düta la Comunità tol pert al dolor di familiars dla defunta Anna Pitscheider Bernardi che é gnüda cherdada dal Signur te so règn tl'eté de 92 agn en mertesc ai 20.03.2012. Che ala paises tla pêsc eterna.

Proiet "Non più soli" : Chësc proiet dediché ai mituns orfanns dl Togo gnarà splighé dala monia Sr.Patrizia en dumënia, ai 25.03.2012 tratan la mëssa dales 18:00. L'proiet vëgn sostignì dala assoziaziun "Agape" de Claudia Tolpeit da La Val.



Chësta dumënia, ai 25.03.2012 complësc **Maria Nagler Valentini** da Pedraces **88** agn y en mertesc, ai 27.03.2012 **Gusta Pescolderung** d'Anvi **93** agn. L'Seniorenclub y düta la Comunità aoda a tramesdües sanité, contentëza y benedisciun de Dì.

Grup Jogn: chëst'edema sarà le local di jogn davert en **lünesc**, ai 26.03.2012 dales **13:30** ales **15:30** y en **sabeda**, ai 31.03.2012 dales **18:00** ales **22:30**.

Curs de computer: L'Comité de Raiun dla Val Badia mët a jì cun la scora alta da La Ila n curs de computer por jënt de na certa eté. L'curs, che é debann, mët man do Pasca y vëgn tignì a La Ila por 5 iadi. Infos y prenotaziuns cina ai 03.04.2012 (tel. 0474/524552).

L'Raiun Sozial mët a jì tla sënta a Picolin tratan l'mëis de auri por valgünes sères n **curs da curé i amarà te ciasa**. L'curs é debann y les iscriziuns vëgn tutes sö cina ai 06.04.2012 (tel. 0474/524513)



Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 18

Edema: 25.03 - 01.04.2012

Vangele dla Dumënia che vëgn - Dumënia dal Uri - B

do San Merch 11, 1-10)

Al è valgügn dis dan la festa de Pasca. Canch'ai rovà dlungia Ierusalem, a Bètfaghe y Betània sön la Munt dl Ori, à Gejù ortié dui discepu danfora. Al ti à dit: Jide tl paisc che é dan os; atira canch'i rovëis ite, ciararëise n müsc tachè sön chël ch'al n'é ciàmò stè degügn che s'à sentè. Destachédele y condejédele adalerch! Y sce zacai ves dij: Cì fajëise pa chilò?, spo respognede: Le Signur l'adora; al le condejarà defata derevers. Sön chëra ési jüs y à ciarà dan na porta sön strada n müsc jonn tachè, y ai l'à destachè. De chi ch'è dailò ti à dit: Cì ves tómel pa ite da destachè chësc müsc? Ai ti à respognü cì che Gejù ti à dit, y an i à lascè fà. Ai à condüt le müsc jonn da Gejù, à metü sù guanç sön le tier y spo s'ál sentè lassura. Y tröc destenò sù guanç ia por tru, d'atri tirà ia brüsces dai ciamps y les sternò ia por tera. La jënt che ti jò danfora y che ti jò do scraià: Osanna! Benedì sides chël che vëgn tl inom dl Signur. Benedì sides le règn de nosc pere Davide che vëgn sëgn. Osanna alalt!



J. Mahtler

FUNZIUNS SACRES

25.03. V.DUMËNIA de CARSEMA - ANN / B

- 10.00 S.Mëssa por la Comunità - ora da d'isté -
 15.00 Via Crucis
 18.00 †to Gerhard Pescoller
 †ta Oliva Irsara – aniversar y vis y †ti de Ciastel
 †ta Maria Adang – aniversar y †to Giarone
 †ta Clara Pescoller

26.03. Lünesc - **FESTA de S.MARIA** (mëssa cun i crejimà)

- 19.30 †to Siur Alfonso Tasser – aniv. y †ti de Sogherdëna
 †ta Rosa Thaler – aniversar
 †ta Emma Dapunt Pescoller - aniversar



27.03. Mertesc

- 19.30 Via Crucis (cun l'Grup Volontariat)

28.03. Mercui

- 07.25 †to Milio Valentin / S.Linert - aniversar
 †ti Pasquale y Agata Irsara
 †tes Caterina, Maria y Hedwig Costa

29.03. Jöbia

- 07.25 Laudes

30.03. Vëndres

- 07.25 †ta Anna Bernardi - **otavario**
 †ta Epifania Flatscher - aniversar
 †to Metodio Frenademetz

- 18.00 Oraziun de Carsëma cun scolars y geniturs

31.03 Sabeda


- 16.00 S.Mëssa a Oies

01.04. DUMËNIA dal URÌ / ANN B

- 09.00 Dan Calonia:** Benediscion dl Uri y prozesciun
 S.Mëssa cun la Pasciun do S.Merch

- 14.00 Via Crucis (cun l'Cor de Dlijia)**

- 18.00 †to Pasquale Piccolruaz – aniversar
 †ta Gerda Irsara – aniversar
 †ta Anna Frena – aniversar
 †ta Angela Peslalz – aniversar



Dala VITA dla CÜRA



La Festa dl'Anunziasiun de S.Maria vëgn tignida en lünesc, ai 26.03.2012 dales 19:30.

Recordun che la Gran Mëssa dla **Dumënia dal Uri** y en **Pasca** sarà bele dales **09:00**
 La Via Crucis en Dumënia dal Uri sarà dales **14:00**

PREPARAZIUN a PASCA cun Confesciuns:



Mertesc, ai 27.03.2012 dales 20:00 te dlijia
 por jogn y jones cun Siur Sepl Granruaz

Mercui, ai 28.03.2012 dales 14:00 te dlijia
 por les èles (cun oferta) cun don Michele Tomasi

Mercui, ai 28.03.2012 dales 20:00 te dlijia
 por i èi cun don Michele Tomasi.

Atres ocajiuns da se confessè:

Sabeda: 07:00 - 08:00; 09:00 - 10:00.

Dumënia dal Uri: dales 08:00; 16:30 – 17:30; 18:50 – 19:30
 y inçe ciamò tratan l'Edema Santa.



Comuniun ai amarà: Ala ti vëgn portada en vëndres, ai 30.03.2012 dales 10:00 inant.

La "**Bibelrunde**" sarà indò en lünesc, ai 26.03.2012 dales 20:00 do Mëssa te Calonia.



Legio Mariae: Chësc grup se abina en jöbia, ai 29.03.2012 dales 14:00 te Calonia por l'ora de oraziun.
 Düc é invià.

Prozesciun a Oies: La schira jonila y i ministranc dla Val Badia organisëia ai 31.03.2012 indò la prozesciun da Badia a Oies. Ai se abina dales 16:00 dan calonia. Al tolarà pert inçe mituns da atres valades. Düc é dër bel invià a gnì: mituns, geniturs, amisc y parënc.

Prozesciun di jogn a S.Berbura: vëgn organisada dai jogn da La Val en vëndres ai 30.03.2012. Düc i jogn é dër bel invià y ai se incunta dales 20:00 te dlijia da La Val.